

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj:7/10) na prijedlog Ministarstva unutrašnjih poslova, Vlada Zeničko-dobojskog kantona na 22. sjednici održanoj dana 17.08.2015. godine, d o n o s i

ZAKLJUČAK

I.

Prihvata se Informacija o specifičnostima Komisije za organizovanje i održavanje predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na putevima.

II.

Komisija za organizovanje i održavanje predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na putevima, izuzima se od primjene tačke 4. Programa mjera štednje za 2015. godinu.

III.

Daje se saglasnost ministru Ministarstva unutrašnjih poslova Zeničko-dobojskog kantona da posebnim rješenjem utvrdi visinu naknade za rad članovima Komisije iz tačke II ovog Zaključka.

IV.

Zaključak stupa na snagu danom donošenja.

PREMIJER

Broj: 02-_____/15.
Datum, 17.08.2015. godine
Zenica

Miralem Galijašević

DOSTAVLJENO:

1x Ministarstvo unutrašnjih poslova,
1x a/a.

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A

Broj: 08-05/2- /15
Zenica, 02.07.2015. godine

ZENIČKO-DOBOJSKI KANTON
V L A D A

PREDMET: Informacija o specifičnostima Komisije za organizovanje i održavanje predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na putevima, dostavlja se

VEZA: Zaključak Vlade Zeničko-dobojskog kantona broj:02-34-7641/15 od 02.04.2015. godine

U cilju izvršavanja poslova iz zadataka iz nadležnosti Ministarstva unutrašnjih poslova Zeničko-dobojskog kantona, shodno različitim zakonima i podzakonskim propisima, formirane su stalne ili povremene Komisije.

Zbog specifičnosti pojedinih oblasti imenuju se mješovite Komisije ili radna tijela, koja prema propisima u svom sastavu za članove moraju imati državne službenike ili namještenike i policijske službenike.

U vezi sa gore označenim Zaključkom Vlade, kao specifičnu Komisiju formiranu u ovom Ministarstvu izdvajamo:

KOMISIJU ZA ORGANIZOVANJE I ODRŽAVANJE PREDAVANJA O POSLJEDICAMA KOJE PROIZILAZE IZ NEPOŠTIVANJA ILI NEPOZNAVANJA PROPISA O SIGURNOSTI SAOBRAĆAJA NA PUTEVIMA

PRAVNI OSNOV za formiranje ove Komisije sadržan je u članu 225. stav (5) Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj: 6/06, 75/06, 44/07, 84/09, 48/10 i 48/13) i članu 2 stav (1) Pravilnika o načinu organiziranja predavanja o posljedicama koje proizilaze iz nepoštivanja ili nepoznavanja propisa o sigurnosti saobraćaja na putevima ("Službeni glasnik BiH", broj: 36/13)

SASTAV KOMISIJE odnosno kvalifikacije za članove komisije propisani su naprijed navedenim Pravilnikom, te predsjednik Komisije mora biti licencirani predavač teoretske nastave. Od preostala dva člana Komisije jedan se mora imenovati iz reda policijskih službenika koji radi u oblasti bezbjednosti saobraćaja na putevima, a drugi član mora biti pedagoške struke.

Komisija je imenovanja rješenjem ministra Ministarstva 10.09.2013. godine.

ZADATAK KOMISIJE je organizovanje i održavanje predavanja o posljedicama koje proizilaze iz nepoštivanja ili nepoznavanja propisa o sigurnosti na putevima., grupni razgovor o razlozima i posljedicama zbog kojih se oduzimaju vozačke dozvole, predavanja o značaju i načinu sigurnog ponašanja vozača u saobraćaju, kršenju saobraćajnih propisa i posljedicama saobraćajnih nezgoda.

NAČIN RADA KOMISIJE- Komisija radi izvan radnog vremena s obzirom da predavanjima, koja se održavaju u službenim prostorijama Ministarstva u Zenici, prisustvuju vozači iz svih općina Kantona, kojima je ova obaveza utvrđena. Svaki vozač predavanjima prisustvuje 6 dana po 4 nastavna časa.

NAKNADA koju plaćaju vozači koji su obavezni prisustvovati predavanjima iznosi 500,00 KM i uplaćuje se u Budžet Zeničko-dobojskog kantona.

NAKNADA ZA ČLANOVE KOMISIJE- utvrđena rješenjem ministra Ministarstva prilikom imenovanja Komisije i određena je u ukupnom iznosu od 60,00 KM po jednom kandidatu koji prisustvuje predavanju. Ovaj iznos se dalje raspoređuje na članove Komisije shodno broju časova koje su održali.

Naknada članovima Komisije se ne isplaćuje počev od 01.04.2014. godine zbog provođenja Programa mjera štednje.

ZAKLJUČAK I PRIJEDLOG

Na osnovu naprijed navedenog smatramo da se u ovom slučaju radi o Komisiji sa više specifičnosti koju bi, shodno Zaključku Vlade Zeničko-dobojskog kantona broj: 02-34-7641/15 od 02.04.2015. godine trebalo izuzeti od primjene tačke 4. Programa mjera štednje za 2015. godinu.

Specifičnosti ove Komisije su:

- da je ovo nova praksa koja do sada nije primjenjivana prema vozačima koji ne poštuju propise i pravila u saobraćaju, kojim u određenom periodu bude uz sankciju izrečeno 7 i više kaznenih bodova zbog počinjenih prekršaja,
- da su za članove Komisije propisani posebni uvjeti u pogledu vrste stručne spreme i drugih kvalifikacija,
- da je svaki vozač kojem je utvrđena obaveza da prisustvuje predavanjima, kao uvjet za vraćanje oduzete vozačke dozvole, dužan prisustvovati 6 radnih dana po 4 nastavna časa
- da Komisija radi izvan radnog vremena zbog same organizacije i dužine trajanja predavanja kojim vozači moraju prisustvovati ali i zbog samih članova Komisije i izvršavanja njihovih redovnih poslova i zadataka radnog mjesta na koje su raspoređeni,

-da svaki vozač u Budžet Kantona uplaćuje 500,00 KM, kao naknadu za prisustvovanje predavanjima.

Mišljenja smo da bi, iz navedenih razloga kao i općepoznate situacije u oblasti bezbjednosti saobraćaja na putevima u Bosni i Hercegovini te posljedicama saobraćajnih nezgoda prourokovanih najčešće zbog nepoznavanja ili nepoštivanja saobraćajnih propisa, bilo opravdano određen iznos iz naknade koji plaćaju vozači izdvojiti i isplaćivati kao naknadu za rad članovima Komisije.

Predlažemo da to kao i ranije bude ukupan iznos od 60,00 KM po jednom kandidatu koji je prisustvovao predavanjima, a da se ovaj iznos dalje raspoređuje na članove Komisije (ukupno 3 člana) prema broju nastavnih časova koje je održao svaki član.

Na ovaj način, uzmu li se u obzir i sve daljnje obaveze kada je u pitanju isplata naknada za rad u komisijama (porezi i doprinosi koji se obavezno plaćaju), cijenimo da bi u Budžetu Kantona ostajalo oko 400,00 KM, a članovi Komisije bi ostavili primjerenu naknadu za rad izvan radnog vremena.

Konačno, Vladi Zeničko-dobojskog kantona predlažemo da prihvati ovu Informaciju i donese Zaključak o izuzimanju ove Komisije od primjene tačke 4. Programa mjera štednje za 2015. godinu.

DOSTAVLJENO

1x Naslov

1x a/a

MINISTAR

Hajrudin Žilić